

**Bosna i Hercegovina**  
**Federacija Bosne i Hercegovine**  
**Kazneno popravni zavod poluotvorenog tipa**  
**Sarajevo**



**Bosnia and Herzegovina**  
**Federation of Bosnia and Herzegovina**  
**Penal-correctional institution**  
**of semy-open type**  
**Sarajevo**

---

**Telefon-fax/Phone-fax : +387 (0) 33 442-260 ; e-pošta/e-mail : kpzsa1@bih.net.ba**  
**Adresa/Adress : Branilaca Sarajeva br: 8, 71 000 Sarajevo**

Broj: 04-09-400 /22  
Sarajevo, 12.09.2022.godine.

## **PROTOKOL O STRUČNOJ SARADNJI IZMEĐU KAZNENO POPRAVNOG ZAVODA POLUOTVORENOG TIPRA SARAJEVO I JAVNE USTANOVE „TZ KAMPUS“ KS**

### **I OPŠTE ODREDBE**

**KAZNENO POPRAVNI ZAVOD POLUOTVORENOG TIPRA SARAJEVO** sa sjedištem u Sarajevu na adresi Branilaca Sarajeva br.: 8, Zavod za izvršenje kaznenih sankcija u koje se upućuju osobe na izdržavanje kazne zatvora od strane sudova: Općinski sud u Sarajevu, Općinski sud u Goraždu i Općinski sud Visoko. KPZ PT Sarajevo se trenutno nalazi na tri lokacije: Centralno odjeljenje u Sarajevu, Odjeljenje u Ustikolini i Objekat na Igmanu – mikrolokalitet Blažuj.

**JU Terapijska zajednica – Kampus Kantona Sarajevo** sa sjedištem u Rakovici - Sarajevo osnovana od strane Skupštine Kantona sarajevo 2003. godine. Prva terapijska zajednica u Bosni i Hercegovini iza koje kao utemeljitelj stoji država i koja se bavi odvikavanjem i liječenjem ovisnika o psihoaktivnim supstancama.

### **II CILJ SARADNJE**

**Svrha i cilj** saradnje je razmjenjivanje iskustva u radu stručnog osoblja koji se bave direktnim radom na resocijalizaciji i rehabilitaciji osoba što bi rezultiralo poboljšanju rada prevaspitne službe i pružanja kvalitetnije pomoći osuđenim osobama koje imaju probleme uzrokovane konzumiranjem opijata.

Naime evidentan je značajan broj osuđenih lica koji izdržavaju kaznu zatvora u KPZ PT Sarajevo a konzumenti su opojnih droga ili drugih substitucijskih terapija. Cilj saradnje ove dvije ustanove je pružanje adekvatne pomoći osobama ovisnicima o psihoaktivnim supstancama kroz edukativni, individualni i grupni rad od strane stručnog osoblja. Osnovna djelatnost TZ Kampus je rad sa ovisnicima o psihoaktivnim supstancama koji ima za cilj odvikavanje, rehabilitacija i pružanje adekvatne pomoći – održavanje apstinencije. Socioterapijski pristup posebno je bitan iz razloga jer se u KPZ PT Sarajevo trenutno iz tehničkih i sigurnosnih razloga trenutno ne ordinira metadonska terapija.

Iz gore navedenih razloga javila se potreba za uspostavom stručne saradnje u pružanju usluga i pomoći osobama koje se nalaze na izdržavanju kazne zatvora a imaju probleme uzrokovane konzumiranjem opijata.



**Telefon-fax/Phone-fax : +387 (0) 33 442-260 ; e-pošta/e-mail : kpzsa1@bih.net.ba**  
**Adresa/Adress : Branilaca Sarajeva br: 8, 71 000 Sarajevo**

### III SARADNJA UGOVORENIH STRANA

Predmet ovog protokola je stručna saradnja vezana za djelatnost tretmana i odvikavanja osoba sa problemima uzrokovanim konzumiranjem narkotičkih sredstava.

Strane su saglasne da međusobno sarađuju u smislu pružanja usluga i podrške kroz program rehabilitacije i resocijalizacije osuđenih osoba koje su na izdržavanju kazne zatvora u KPZ PT Sarajevo sa ciljem postizanja dugoročne apstinencije i ostvarivanja što boljeg kvaliteta života.

Sektor za tretman osuđenih osoba će praviti selekciju osoba kojima je potrebna stručna pomoć vezana za ovisnost i konzumiranje opojnih droga.

Ugovorne strane se obavezuju na striktno poštivanje i primjenu odredaba Zakona o zaštiti tajnih podataka BiH.

Stručna saradnja se uspostavlja između KPZ PT Sarajevo i JU TZ KAMPUS KS na način da će stručno osoblje sastavljeno od psihologa socijalnih radnika i drugih profesija koje se bave odvikavanjem dolaziti u prostorije KPZ PT Sarajevo i voditi grupne terapije u cilju rada na odvikavanju, održavanju apstinencije, pružanju podrške kao i predstavljanje TZ Kampus kao mogućnost liječenja od ovisnosti u vidu postpenalne pomoći.

Intenzitet odnosno učestalost odvijanja terapija i posjeta od strane uposlenika Kampusa će se realizovati jednom mjesečno. Učestalost predviđenog grupnog rada je vezan za broj osuđenih osoba koji će biti uključeni u ovaj vid prevaspitnog rada.

Prilikom realizacije navedenih grupnih terapija prisutno će biti i stručno osoblje Sektora za tretman koje će ujedno imati mogućnost osposobljavanja za samostalni rad sa osobama koje imaju probleme uzrokovane konzumiranjem opijata.

Kontakt i saradnja će se odvijati preko Sektora za tretman osuđenih osoba KPZ PT Sarajevo koji će u skladu za potrebama o svemu izvještavati direktora zavoda.

### IV OBAVEZE UGOVORENIH STRANA

Zavod će omogućiti vrijeme i prostor za grupni rad stručnog osoblja TZ Kampus uz prisustvo predstavnika Sektora za tretman osuđenih osoba.

KPZ PT Sarajevo će poduzeti sve neophodne sigurnosne mjere u cilju zaštite posjetilaca zavodu.

Stručno osoblje Kampusa koje će voditi grupnu terapiju se obavezuje da prije svakog održavanja grupne terapije predhodno se konsultuje sa Sektorom za tretman osuđenih osoba.

Protokol o saradnji može prestati u svako vrijeme saglasnošću ugovornih strana.

Za JU TZ KAMPUS KS  
Direktor

mr. D



Za KPZ PT Sarajevo

dipl.iur. Faruk Zubčević

